



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sancti Bonaventvræ Ordinis Minorum, S. R. E. Cardinalis,
Episcopi Albanensis, Seraphici Doctoris Ecclesiæ, De Vita
S. Patris Francisci, Liber I.**

Bonaventura <Sanctus>

Antverpiæ, 1597

Capvt XV. De canonizatione ipsius, & translatione corporis sacri.

urn:nbn:de:hbz:466:1-41460

7.

Episcopus Assisinas, ad oratorium S. Michaëlis
in monte Gargano, tunc temporis peregrinatio-
nis causâ perrexerat. cui B. Franciscus apparet
nocte transitus sui, dixit; Ecce relinquo mundum,
& vado ad cœlum. Manè igitur surgens Episcopus,
sociis narravit quæ vidit: & Assisium rediens, cùm
solicite perquisisset, certitudinaliter cōperit, quod
eâ horâ, quâ sibi per visionem innotuit, beatus Pa-
ter ex hoc mundo migravit. Alaudæ aues lucis
amicæ, & crepusculorum tenebras horrescentes,
horâ transitus sancti viri, cùm iam esset noctis se-
quuturæ crepusculum, venerunt in multitudine
magnâ super tectum domus: & diu cum insolita
quadam iubilatione rotates, gloriæ Sancti, qui eas
ad diuinæ laudes inuitare solitus erat, tam iocun-
dum quam euidens testimonium perhibebant.

CAPUT XV.

*De canonizatione ipsius, & translatione
corporis sacri.*

§. I.

FRANCISCVS igitur seruus & amicus
Altissimi, Ordinis Minorum fratrum
institutor & dux, paupertatis professor,
patientiæ forma, veritatis præco, sancti-
tatis speculum, & totius Euangelicæ perfectionis
exemplar: supernâ præuetus gratiâ, ordinato pro-
gressu, ab infimis peruenit ad summa. Hunc virum
mirabilem, ut pote paupertate prædiuitem, humi-
litate sublimem, mortificatione viuidum, simili-
tatem prudentem, omniq; morum honestatem con-
spicuum: quem in vitâ Dominus mirabiliter effe-
cerat clarum, in morte fecit incomparabiliter clari-
orem. Beato namque viro migrante à seculo, spi-
ritus ille sacer domum æternitatis ingrediens, for-
tisq;

tisque vitæ haustū plenariō gloriōsus effectus, ex. In corpore ap-
pressa quædam in corpore futuræ gloriæ signa re-
liquit: ut caro illa sanctissima, quæ crucifixā cūm
vitiis, in nouam iam creaturam transferat, & pa-
fionis Christi effigiem priuilegij singularitate p̄e-
ferret, & nouitate miraculi resurrectionis speciem
p̄äemonstraret.

Cernebantur quidem in membris illis felicibus
clavi, ex eius carne virtute diuinâ mirificè fabre-
facti: sicq; carni eidem innati, quod dum à parte
qualibet p̄emerentur, p̄tinuitus quasi nervi conti-
nui & duri, ad partē oppositā resultabant. Inuenta
quoque fuit patētiūs, in ipsius corpore, nō inficta
humanitus neque facta, plaga vulneris lateralis, in-
star vulnerati lateris Saluatoris: quod redēptionis ^{1 Cor. 15. 34}
& generationis humānæ, in ipso Redēptore nostro
protulit sacramentū. Erat autē similitudo clauorū ^{Eorum formæ.}
nigra quasi ferrum: vulnus autem lateris rubeum,
& ad orbicularitatem quandā carnis contractione
reductum, rosa quædam pulcherrima videbatur.
Caro verò ipsius reliqua, quæ priūs tam ex infir-
mitate quam ex naturâ, ad nigredinem declinā-
bat, candore nimio renitescens, illius ^{4 Apoc. 7. 15.} secūdæ sto-
læ pulchritudinem prætendebat. Membra ipsius ^{Caro etis cæ-}
adē mollia & tractabilia se præbebant palpanti-^{dida, & mol-}
bus, vt conuersa videretur in teneritudinem pue-
riliæ ætatis; & quibusdam cernerentur euidentibus
signis inhocentiæ decorata. Cūm igitur in candi-
dissimâ carne clavi nigrescerent; plaga verò late-
ris, vt vernans roseus flos ruberet: mirandū non est
si tam formosa & miraculosa varietas iocūditatem
& admirationem contuentibus ingerebat.

Lacrymabantur filii pro subtractione tam ama-
bilis patris: sed & non modicâ profundeabantur læ-
titia, dum deosculabantur in eo signacula summi

H Regis,

Regis. Miraculi nouitas planctum vertebat in iubilum: & intellectus rapiebat indaginem in stuporem. Erat quippe tam insolitum, tamque insigne spectaculum contuentibus omnibus, & firmamentum fidei, & incitamentum amoris: audiuntibus vero admirationis materia, & excitatio desiderij ad videndum. Auditò siquidem transitu Patris, & famâ diffusâ miraculi, accelerans populus confluat ad locum: ut id cernerent oculis carnis, quod à ratione dubium omne repelleret, & affectioni gaudium cumulareret.

4. Admissi sunt igitur Assisianates cines quamplurimi, ad Stigmata illa sacra contemplanda oculis, & labiis osculanda. Vnus autem ex eis miles, litteratus quidam & prudens, Hieronymus nomine, vir utique famosus & celeber; cum de huiusmodi

^{* Ioan. 20. 25} sacris signis dubitasset, essetque incredulus, "quasi

Thomas: feruentius & audaciū coram fratribus & aliis ciuibus, mouebat clauos; Sanctiç; manus, pedes, & latus manibus propriis contrectabat: vi-

dum vulnerum Christi veracia illa signa palpando contingere, de sui & omniū cordibus omne dubieratis vulnus amputaret. Propter quod & ipse inter alios, huius veritatis tā certitudinaliter agnitus, testis constans postmodum effectus est, & tactis facrosanctis iuramento firmauit. Fratres autem & filii, qui vocati fuerant ad transitū Patris, cum omni multitudine populorum, noctem illam, in qua almus Christi confessor decessit, sic diuinis audi- bus dedicarunt; ut non defunctorum exsequie, sed Angelorum excubiaz viderentur.

5. Mane autem facto, turbę quæ conuenerant, acceptis arborum ramis, & cereorū multiplicatis luminibus, cum hymnis & canticis, sacrum corpus ad ciuitatem Assisi detulerunt. Transeuntes vero

per

Miraculum
hoc expiant
mali videre.

^{* Ioan. 20. 25}

Stigmata eius
vulnus la-
teris videntur
amputus.

per Ecclesiam S. Damiani, in quā virgo illa nobilis
Clara, nūc gloriōsa in cælis, tunc inclusa cum vir-
ginibus morabatur, ibiq; aliquantulum subsisten-
tes: sacrū corpus margaritis cælestib[us] insignitum,
videndum & osculandū sacris illis virginib[us] ob-
tulerint. Peruenientes denique ad ciuitatem cum
iubilo, pretiosum thesaurum quem portabant, in
Ecclesia sancti Georgij, cum omni reverētiā con-
diderūt. In eo siquidem loco, puerulus litteras di-
dit; ibi q; postmodūm prædicauit: postremō ibi-
dem locum primum quietis accepit. Transiit au-
tem venerabilis pater ex huius mundi naufragio,
anno Dominicæ Incarnationis millesimo ducen-
tesimo, vigesimo sexto, quarto Nonas Octobris,
die sabbati in sero, sepultus in die Dominico.

Cœpit autem vir beatus continuò, diuinæ fa-
ciæ superirradiante respectu, magnis & multis co-
fuscare miraculis: vt sublimitas sanctitatis eius,
qua ipso viuente in carne, ad morū directionem,
per exempla p[er]fectæ iustitiae innotuerat mundo:
illo iam regnante cū Christo, ad omnem fidei fir-
mitatem, per miracula diuinæ potentiae cōproba-
retur ē cælo. Cumq; in diuersis orbis partibus, glo-
riosa eius miracula, largaque per ipsum impetrata
beneficia, plurimos ad Christi deuotionem accen-
derent, & ad ipsius sancti reuerentiam incitarent:
acclamatis tam linguis sermonum, quam ope-
rum, ad aures summi Pontificis domini Gregorij
Noni, que per seruū suū Fratriculum Deus opera-
batur, magnalia peruererunt. Sanè cū m idē pastor
Ecclesiæ, nō solūm ex miraculis auditis post mor-
tē, verūm etiā experimētis in vitâ, ipsius oculis vi-
sis, & manibus contrectatis, sanctitate eius mirabi-
lē, plenā fide certificatus agnosceret; ac per hoc, in
cælis glorificatum à Dño nullatenus dubitaret: vt

H 2 Chri-

Videt etiam
S. Clara
eiusque filiæ
& saiores.

Sepelitur in
aede S. Geor-
gij.
A D 1226.
abuit ex hoc
mundo.

6.
Miraculis
mox incipit
coruscare.

Christo , cuius erat Vicarius , concorditer ageret, hunc in terris reddere celebrem , tanquam omni veneratione dignissimum, piâ consideratione dispositum. Ad omnem quoque certitudinem faciendam orbi terrarû de glorificatione viri sanctissimi; inuenta miracula & conscripta, & testibus idoneis approbata, examinari fecit per illos, qui minus inter Cardinales , fauorabiles negotio videbantur. Quibus diligenter discussis, & ab omnibus approbatis, de fratum suorum, & ommum Prælatorum, qui tunc erant in Curiâ , concordi consilio & assensu, canonizadû decreuit : venientique personaliter ad ciuitatem Assisi , anno Dominicæ Incarnationis millesimo, ducentesimo, vigesimooctavo, decimo septimo Calendas Augusti , die Dominico : cum maximis , quæ longum foret enarrare, folleminis, beatum Patrem cathalogo Sanctorum adscriptis.

7.

Anno vero Domini millesimo, ducetefimo trigesimo ; conuenientibus fratribus ad Capitulum Generale Assisi celebratû : ad Basilicam in honorem ipsius constructam, corpus illud Domino dedicatum , octauo Calendas Iunij translatum est.

*Transfertur
corpus eius ad
basilicam in
illius memo-
riâ edificatâ.*

Dum autem ille sacer transportaret thesaurus, bullâ Regis altissimi consignatus ; miracula plura ille , cuius effigiem præferebat, operari dignatus est: ut per odorem ipsius saluificû, affectus traheretur fidelium, ad currendû post Christum. Erat re verâ condignum, ut quem Deus in vitâ sibi placentem & dilectû effectum, in paradisum per contemplationis gratiam transtulerat, ut Enoch; & ad

** Gen. 5. 24.* cælum in curru igneo per caritatis zelum rapuerat, ' ut Eliam : eius iam vernantis, inter flores illos cælicos plantationis æternæ , ossa illa felicia de loco suo, pullulatione mirificâ redoleret. Porro sicut vir iste beatus , mirandis virtutû signis in vitâ clauerat:

** Cant. 1. 4.*

** Gen. 5. 24.*

** 4. Reg. 1. 11.*

ruerat: sic à die transitū sui usque in præsens, per diuersas mudi partes, præclaris miraculorum prodigiis, diuinā se potentia glorificante coruscat. Nam cæcis & surdis, mutis & claudis, hydropticis & paralyticis, dæmoniacis & leprosis, naufragis & captiuis, ipsius meritis remedia conferuntur, omnibusq; morbis, necessitatibus, & periculis subueniuntur. Sed & multis mortuis mirificè per ipsum suscitatis: innotescit fidelibus, mirificans sanctum suum magnificentia virtutis Altissimi, cui est honor & gloria, per infinita secula seculorū. Amen.

CAPUT XVI.

Miracula aliquot, à S. Francisco, post eius obitum edita.

§. I.

De virtute sacrorum Stigmatum.

AD omnipotentis Dei honorem, & gloriam B. Patris Francisci, post glorificationem ipsius in cælis, aliqua ex approbatis scripturus miracula: ab illo præcipue censui sumendum fore initium, in quo crucis Iesu virtus ostenditur, & gloria innouatur. Nouus igitur homo Franciscus, nouo & stupendo miraculo claruit: cum singulari priuilegio, retroactis seculis non concessio, insignitus apparuit, sacris vi- delicet Stigmatibus decoratus, & configuratus in corpore mortis huius, corpori Crucifixi. De quo quicquid humanâ lingua dicatur, minus erit laude condigna. Totum quidem viri Dei studiū, tam publicum quam priuatum, circa crucem Domini versabatur. Et ut crucis signaculo, cordi eius, à principio suæ conuerionis impresso, corpus con-

I.

S. Francisci
studium iōū
in crucifixum
"Sup. cap. v.
§. 6.

H 3 signa-